

Na osnovu člana člana 17. stav 1. tačka 2. Statuta općine Doboj Istok ("Službene novine općine Doboj Istok broj: 5/08), Općinsko vijeće Doboj Istok na 15. redovnoj sjednici održanoj dana 24.02.2018. godine
d o n o s i

Odluku o izmjenama i dopunama Odluke o utvrđivanju kriterija za dodjelu stipendija redovnim studentima dodiplomskog studija

Član 1.

U Odluci o utvrđivanju kriterija za dodjelu stipendija redovnim studentima dodiplomskog studija ("Službene novine općine Doboj Istok", broj: 02/15) vrši se dopuna člana 5. stav. 1. tako da se iza tačke 5. dodaje nova tačka 6. koja glasi:

„ da student nije stariji od 30. godina“.

Član 2.

Član 6. stav 1. Odluke o utvrđivanju kriterija za dodjelu stipendija redovnim studentima dodiplomskog studija mijenja se i glasi:

„ Studenti koji ispunjavaju uslove iz člana 5. ove Odluke, a imaju prosjek ocjena najmanje 9,00 imaju pravo na stipendiju i ne boduju se i nalaze prema prosjeku ocjena od prvog mjesta, pa nadalje rang listi, a zatim se boduju ostali studenti na osnovu slijedećih kriterija“.

Vrši se izmjena kriterija pod tačkom 1. 4 i 5, a izmjene se odnose na:

1. Uspjeh u učenju - vrši se izmjena tako da se brišu riječi: „ i množi sa koeficijentom 5.
4. Statusne povlastice - vrši se izmjena tako da se briše alineje b), d), f) i j).
5. Materijalni položaj - vrši se izmjena tako da se dosadašnji broj bodova smanjuje za pet puta tako da alineji a) umjesto 25 stoji 5, alineji b) umjesto 20 stoji 4, alineji c) umjesto 15 stoji 3, alineji d) umjesto 10 stoji 2 i alineji e) ostaje isto.

Član 3.

Član 14. Odluke o utvrđivanju kriterija za dodjelu stipendija redovnim studentima dodiplomskog studija mijenja se i glasi:

„ Protiv rang liste za dodjelu stipendija redovnim studentima, nezadovoljni učesnik konkursa za dodjelu stipendija redovnim studentima ima pravo prigovora Općinskom vijeću općine Doboj Istok u roku od 8 dana od dana isticanja rang liste na oglasnoj tabli općine Doboj Istok.

Prigovor se predaje pismeno Komisiji za mlade Općinskog vijeća Doboj Istok.

Komisiji za mlade Općinskog vijeća Doboj Istok razmatra prigovor i utvrđuje prijedlog Odluke o osnovanosti prigovora nezadovoljnog učesnika konkursa za dodjelu stipendija redovnim studentima i prijedlog konačne rang liste, ako je Odluka o osnovanosti prigovora imala uticaj na izmjenu rang liste.

Ako na rang listu nije bilo prigovora, ta rang lista postaje konačna.

U oba slučaja, Komisiji za mlade utvrđuje prijedlog Konačne odluke o dodjeli stipendija redovnim studentima.

Konačnu odluku o dodjeli stipendija redovnim studentima donosi Općinsko vijeće općine Doboj Istok.

Na osnovu konačne odluke dodjeli stipendija redovnim studentima, Općinski načelnik zaključuje se ugovor u kojem se uređuju prava i obaveze ugovornih strana.

Član 4.

Ova Odluka stupa na snagu osmog dana od dana donošenja, a objavit će se u "Službenim novinama općine Doboj Istok".

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA DOBOJ ISTOK

OPĆINSKO VIJEĆE

Broj: 02-38-479/18
Datum, 26.02.2018. godine



PREDSDJEDAVAJUĆI
OPĆINSKOG VIJEĆA

Dr Ferid Konjić